



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1143. Usque Ad Annum 1176

**Fleury, Claude**

**August. Vind. [u.a.], 1762**

**VD18 90118014**

§. 11. Expeditio Crucigerorum secunda indicitur.

---

[urn:nbn:de:hbz:466:1-66377](https://nbn-resolving.org/urn:nbn:de:hbz:466:1-66377)

Sæcul. XII. Viterbii versabatur, ubi etiam dicit, se  
 A.C. 1145. vidisse Hugonem Episcopum Gabalen-  
 6. 33. sem in Syria, cujus præcipue laboribus  
 effectum, ut Antiochia Sacræ Sedi sub-  
 mitteretur. Ceterum querelas adver-  
 sus Patriarcham suam, & Principis An-  
 tiocheni matrem movebat, dicens, sibi  
 deberi Decimas prædæ & spoliorum, Sa-  
 racenis detractorum, juxta exemplum  
 Gen. 14. 20. Melchisedech, qui eas ab Abrahamo re-  
 cepisset. Hac ergo in causa præsidium  
 Papæ postulabat. Episcopus Gabalensis,  
 cum sermones confereret, sæpe mentio-  
 nem injiciebat cujusdam Principis Chri-  
 stiani sed Nestoriani, qui Presbyter Joan-  
 nes dicebatur, in ultimo Oriente regnan-  
 tis; is magnas de Persis victorias repor-  
 taverat, atque ad ferendum periclitanti  
 Ecclesiæ Hierosolymitanæ auxilium ven-  
 turus credebatur. Hic primo in nostris  
 Scriptoribus vocabulum *Presbyter Joan-  
 nes*, ad significandum Principem oc-  
 currit.

## §. XI.

*Expediitio Crucigerorum secunda  
indicitur.*

Otto. VII. At longe majoris etiam momenti causa  
 Chro. suberat, ob quam Episcopus Gaba-  
 lensis iter in Occidentem susceperat;  
 nempe ut a Principibus auxilium & o-  
 pem Ecclesiæ Orientali, capta ab Infide-  
 libus

libus Edessa, confternatæ, impetraret. Sæcul. XII.  
A. C. 1145.  
 Quippe urbem illam, nemine succurren-  
 te *Zengui*, qui eam duobus jam annis  
 obsidione cingebat, tandem in Festo Na-  
 tivitatis Domini anno millesimo centesi-  
 mo quadragesimo quarto in suam pote-  
 statem redegit. Tunc vero incolæ, om- ibid. c. 30.  
Tyr. XVI.  
 nes Christiani, nam illa civitas nun-  
 quam ante in Saracenorum manus inci-  
 derat, miserrime cæsi. Archiepiscopus,  
 nomine Hugo, cum caperentur mœnia,  
 fuga evadere conatus, in media turba  
 impeditus suffocatur. Quam mortem  
 omnes a cœlo in avaritiæ pœnam ei de-  
 stinatham crediderunt; ingentes enim o-  
 pes congesserat, quas si in stipendia mi-  
 litum impendere voluisset, servare ur-  
 bem potuisset. Edessa superata, Infide-  
 les Ecclesias profanarunt, præsertim il-  
 lam, quæ S. Mariæ sacra erat, illamque,  
 in qua Reliquiæ S. Thomæ colebantur.  
 Tristem sortem narrabat inter lacrymas  
 Episcopus Gabalensis, animoque consti-  
 tuerat, Alpes conscendere, a Regibus  
 Romanorum & Francorum Christianis,  
 ultra mare positus, opem flagitaturus.

In manibus nostris est Epistola Euge-  
 nii Papæ in hac causa ad Regem Ludo-  
 vicum Juniorem, prima die Decembris,  
 Vetrallæ prope Viterbium data. In ea  
 Pontifex Francos, inprimis potentes hor-  
 tatur & rogat, quin etiam præcipit & in  
 remis-

ep. I.

Sæcul. XII. remissionem peccatorum injungit, ut ad  
A.C. 1145. defendendam Ecclesiam Orientis, quam  
 Patres eorum profuso sanguine liberassent, arma caperent. Sacris militibus eandem Indulgentiam concedit, quam Urbanus Papa II. in prima Cruciatorum profectioe impertitus fuerat. Eorum uxoribus, liberis & bonis tutelam Ecclesiæ promittit. Prohibet, ne contra eos, qui Crucem acceperint, de rebus, ab ipsis quiete possessis, ulla actio moveatur. Cruciatos absolvit ab usuris solvendis, pro tempore solum præterito. Potestatem facit, Feuda sua Ecclesiis vel privatis hominibus pignori dandi, si ipsorum Domini vel nolint vel non possint eis pecunias mutuas præbere. Ceterum hortatur sacros milites, ne vestitu pretioso incedant, ne canes vel accipitres venatui aptos, & quidquid soli voluptati servit, in itinere habeant.

*Otto Fris. I.* Priusquam vero hæc Epistola in Franciam fuisset delata, Rex animo constituerat Crucem accipere, ut votum impleret, quo Philippus frater ipsius natu major obstrictus, & veloci fato occupatus, se se exsolvere non potuerat. Cum quibusdam amicorum suorum aperuisset, quid decrevisset, illi suaserunt; Sanctum Bernardum advocari juberet, eumque consuleret.

Respon-

Respondit S. Abbas; nihil in tanta re statuendum esse Summo Pontifice inconsulto. Rex consilium, quod ceperat, secundo Episcopis & Proceribus in Curia, Biturigis in Natali Domini anno millesimo centesimo quadragesimo quinto, celebrata, significavit, ubi Geofridus Episcopus Lingonensis tanta dicendi vi amissæ urbis jacturam & pericula inde nascitura suis auditoribus proposuit, ut omnibus lacrymæ suborirentur, hortatus ut arma ad expeditionem sacram pararent, Ducem Regem habituri, cujus exemplum haud dubie ad plurimos pertrahendos erat potentissimum. In hunc ergo finem alius Conventus Vezeliaci ad Festum Paschæ, quod non procul aberat, indicitur, in quo bellum sacrum solemniori ritu dehunciaretur, & interim Rex missis ad Papam nunciis, quid statutum fuisset, edocet. In illis Comitiis Bituricensibus Samson Archiepiscopus Remensis coronam Regi, ut in Festis solemnibus mos erat, porrexit, quare juribus suis detractum fuisse, Petrus Archiepiscopus Bituricensis apud Papam conquestus est.

§. XII.

*Papa Romæ.*

Inter hæc Eugenius Papa, Romanos rebelles ad officium compulsurus, Jor. *Chr. a. 31. 34.*  
*Hist. Eccles. Tom. XVII.* C da-

Sæcul. XII.  
 A.C. 1145.

*Eug. ep. 8.*